

gefangen seyndt worden/ wann der Winter im kältesten gewesen / vnd
vnder anderen/ erblinden im Winter / fürnembl ich die Groppen.

Idem. cap. 12. Groppen werden Capitati genaüt/ ihr Kopff ist fast so
gross/ als der ander Leib/ vñ habe ein Gestalt/ wie ein Nagel/ ist ein schwarz
er Fisch/ eines Schuchs lang/ ligt vnder den Steinen verborgen/ sein
Läber wirdt roht/ wann er gefroht ist.

In einem Selein ob Engelberg/ Trubbisee genaüt/ gibt es sehr grosse
Gropen/ sindt aber so geschmackt nicht/ als die Groppen in Fleisswasse
ren. Item so hab ich im Leyen 1537. auf Malserheid/ im Eyrö/ allwo
es sehr wild vnd z. kleine Selein/ nechst bey einanderen/ auff aller Höhe
hat/ solche grosse Groppen/ so die Inwohner Dolben heissen/ geschen vnd
geessen/ daß ich achte/ 6. derselbigen Groppen/ solten 1. Pfundt von
18. Unzen gewegen haben/ die haten aber ein sehr unlieblichen/ vnan
genommen vnd argen Geschmack/ welcher ohne zweifel noch erger ge
wesen/ wann der Hunger selbiges Tags/ nicht das Kochampi vertere
ten hete.

Von dem Krüschling oder Kressling.

Gobij fluvialis , altera species. Krüschling / Krüschling / Kressling
Loche Franche bey den Frankosen.

Olaus lib. 20. cap. 12. die Kressling werden in fliessenden Wassern ge
fangen/ sindt weiss/ mit schwarzen Flecken besprengt/ bey Vyburg/ in
dem Orientischen Finland/ fangt man sie eines Schuchs lang/ wirdt an
der Sonnen außgetrocknet/ vnd zu der Kriegs-Speis/ so es vonnoh
len/ behalten.

Albert. die Fischer sagen/ daß wo die Kressling erfaulen/ bis an den
Kopff/ vnd wider mit Wasser bedeckt werden/ so sollen sie widerumb zu
Vohlkommnenheit wachsen/ die Sand Krüschling/ so in harren Was
sern im Sand gefangen werden/ seyndt die besten vnd gesündesten.

Pictorius. Kressling seyndt etwann hoch gehalten worden/ von den
Benedigern/ dann sie die nicht für ungesund halten/ vmb ihrer Reichs
wegen vnd so sie von dem frischen Sand/ ihr Nahrung haben/ dazt
findet diese zweien Vers (welchedoch wohl auff ein andere Speciem Gobi
onis, gemeint seyn möchten.) gemacht worden.